

REGLUGERÐ

um breytingu á reglugerð um almenna skoðun ökutækja,
nr. 559 31. desember 1993.

1. gr.

6. gr. orðist svo:

Nú eru skráningarmerki ökutækis sem verið hafa í vörslu skráningaraðila afhent að nýju áður en ökutækið er fært til almennrar skoðunar og skal þá skráningaraðili veita eiganda/umráðamanni ökutækisins hæfilegan frest til að færa ökutækið til skoðunar, enda lýsi eigandi/umráðamaður því yfir að ökutækið sé hæft til skoðunar og sérstakar ástæður mæla ekki gegn því að skráningarmerkin verði afhent.

Ökutæki sem lögreglan hefur tekið skráningarmerki af vegna vanbúnaðar skal þó jafnan færa til skoðunar áður en skráningarmerki eru afhent að nýju.

2. gr.

Við 10. gr. bætist: Skal skoðunartorðið varðveitt með skráningarskírteini ökutækisins.

3. gr.

Reglugerð þessi sem sett er samkvæmt 67. gr. umferðarlaga nr. 50 30. mars 1987, sbr. lög nr. 44 7. maí 1993, öðlast þegar gildi.

Dóms- og kirkjumálaráðuneytið, 9. janúar 1995.

Þorsteinn Pálsson.

Ólafur W. Stefánsson.

Nr. 9

5. janúar 1995

AUGLÝSING

**ríkisskattstjóra nr. 5/1995 um breytingu á ýmsum grunnfjárhæðum
í almennum skattskilum.**

1. Hámark verðmætis íbúðarhúsnæðis og einkabifreiðar með tilliti til verðbreytingarfærslu skv. 53. gr. laga nr. 75/1981.

Hámark verðmætis íbúðarhúsnæðis til eigin nota og einkabifreiðar hjá mönnum sem stunda atvinnurekstur eða sjálfstæða starfsemi, sbr. 5. mgr. 53. gr. laga nr. 75/1981, skal breytast í samræmi við verðbreytingarstuðul skv. 26. gr. sömu laga:

Hækkunarstuðullinn við álagningu 1995 (tekjuár 1994) verður 19,4850 og í stað 500.000 kr. koma því 9.742.500 kr.

2. Fjárhæðir í lögum nr. 9/1984 um frádrátt vegna fjárfestingar manna í atvinnurekstri.

Samkvæmt 25. gr. laga nr. 9/1984 um fjárfestingu í atvinnurekstri skulu fjárhæðir sem um ræðir í 6., 11., 14. og 24. gr. laganna breytast í samræmi við verðbreytingarstuðul skv. 26. gr. laga nr. 75/1981.

Umræddar fjárhæðir og stuðlar vegna álagningarársins 1995 (tekjuár 1994) verða því þessar:

- a) Lágmarkskaupverð varanlegra rekstrarfjármuna:
Í stað 200.000 kr. í 6. gr. laganna komi 758.920 kr. (stuðull: 3,7946).
- b) Lágmark hlutafjár almennra hlutafélaga:
Í stað 12.000.000 kr. í 11. gr. laganna komi 19.717.200 (stuðull: 1,6431).
- c) Lágmark hlutafjár hlutafélaga sem tengist starfsmannasjóði:
Í stað 3.000.000 kr. í 14. gr. laganna komi 14.425.800 (stuðull: 4,8086).
- d) Lágmark hlutafjár fjárfestingarfélagi:
Í stað 5.000.000 kr. í 24. gr. laganna komi 24.043.000 (stuðull 4,8086).

3. Laun utan staðgreiðslu á árinu 1994.

Fjárhæðir skv. 16., 17., 19. og 20. tölul. 1. mgr. 2. greinar reglugerðar nr. 591/1987 eru grunnfjárhæðir miðaðar við 1. desember 1987. Skulu þær breytast í samræmi við lánskjaravísitölu, sbr. 121. gr. laga nr. 75/1981, um tekjuskatt og eignarskatt.

Samkvæmt því verða umræddar fjárhæðir vegna greiddra launa á árinu 1995 þessar:

- 1. Heimilishjálpi, húsfélög o.þ.h.:
Í stað 60.000 kr. og 120.000 kr. í 16. tölul. komi 107.656 kr. og 215.312 kr.
- 2. Reiknað endurgjald í sjálfstæðri starfsemi:
Í stað 100.000 kr. í 17. tölul. komi 179.427 kr.
- 3. Höfundarlaun.
Í stað 120.000 kr. í 19. tölul. komi 215.313 kr.
- 4. Greiðslur til vistmanna elliheimila:
Í stað 120.000 kr. í 20. tölul. komi 215.313 kr.

4. Gjald í framkvæmdasjóð aldraðra.

- a) Fjárhæð gjalds.

Samkvæmt 1. tölul. 10. gr. laga nr. 82/1989 um málefni aldraðra skal fjárhæð gjalds í framkvæmdasjóð aldraðra breytast árlega í samræmi við breytingar er kunna að verða á byggingarvísitölu. Gjaldið verður því 3.985 kr. við álagningu 1995 vegna tekna 1994.

- b) Tekjumark.

Tekjuviðmiðun samkvæmt sama 1. tölul. 10. gr. skal breytast árlega í samræmi við þær breytingar sem verða á persónuafslætti skv. 68. gr. laga nr. 75/1981, um tekjuskatt og eignarskatt, með síðari breytingum, og innheimtuhlutfalli viðkomandi staðgreiðsluárs samkvæmt ákvæðum 1. mgr. 9. gr. laga nr. 45/1987, um staðgreiðslu opinberra gjalda, með síðari breytingum.

Við álagningu 1995, tekjuárið 1994, verður gjaldið því ekki lagt á þá sem hafa tekjur undir 686.383 kr.

5. Fjárhæð launa sem undanþegin eru staðgreiðsluskilum á tryggingagjaldi.

Samkvæmt 3. mgr. 15. gr. laga um tryggingagjald nr. 113/1990 breytast grunnfjárhæðir 1. og 2. mgr. þeirrar greinar í samræmi við breytingar á verðbreytingarstuðli, sbr. 26. gr. laga nr. 75/1981, með síðari breytingum, og skulu þær reiknast í heilum þúsunda króna.

Með vísan til þessa verður hækkunarstuðullinn 1,1280 og í stað fjárhæðarinnar 30.000 kr. komi 34.000 kr. (mánaðarleg skil) og í stað fjárhæðarinnar 360.000 kr. komi 408.000 kr. (heildarskil).

Reykjavík, 5. janúar 1995.

Garðar Valdimarsson ríkisskattstjóri.

Nr. 10

5. janúar 1995

AUGLÝSING

ríkisskattsjóra nr. 6/1995.

Auglýsing frá ríkisskattstjóra um reikning fyrninga og vaxta vegna kaupleigu eða fjármögnunarleigu fólksbifreiða skv. 4. tölul. 52. gr. laga nr. 75/1981 um tekjuskatt og eignarskatt, **sbr. 3. gr. laga nr. 2/1988 um breyting á þeim lögum.**

Ríkisskattstjóri hefur ákveðið að eftirfarandi reglur skuli gilda gjaldárið 1995 við útreikning frádráttarbærs hluta leigugreiðslna vegna kaupleigu eða fjármögnunarleigu á fólksbifreiðum fyrir færri en 9 menn að undanskildum leigubifreiðum:

1. Fyrningargrunnur telst vera kaupverð bifreiðar eins og það er ákveðið við kaup leigusala (fjármögnunarleigu- eða kaupleigufyrirtækis) á viðkomandi bifreið.
2. Fyrningargrunnur rekstrarársins 1993 framreiknast samkvæmt verðbreytingarstuðli ríkisskattstjóra fyrir árið 1994.
3. Til frádráttar hjá leigutaka á rekstrarárinu 1994 telst 8% fyrning af fyrningargrunni skv. 1. eða 2. tölul. hér að framan, að viðbættum 7,9% vöxtum reiknuðum hlutfallslega miðað við upphaf eða lok leigutíma á árinu 1994. Vextir reiknast af fyrningargrunni þegar frá hefur verið dregin framreiknuð fyrning fyrri ára.
4. Fyrning skv. 3. tölul. hér að framan er heimil að fullu rekstrarárið 1994 hvort sem leigutímabilið hefst eða því lýkur á því ári.

Reykjavík, 5. janúar 1995.

Garðar Valdimarsson ríkisskattstjóri.